

宮門抄

二月初八日 農工商部 郵傳部 正藍旗 值日無引
見 銘公陸潤庠各假滿請 安 慶王成公各假假
十日
二月初九日京電本日 召見軍機 衍聖公

諭旨

上諭御史趙炳麟奏各部丞參宜先記名後請特簡一摺各衙
門丞參前經降旨飭令該堂官於試驗得力人員出具切實
考語豫行保薦乃各部有奏請先派行走者有聲明缺員遲
行開單請簡者雖非指名奏補辦理究未一律嗣後仍著懷
遠前旨豫行保薦聽候記名由軍機處開單請簡以昭慎重
欽此

譯電

西三月二十二號倫敦來電
英大臣答覆議員對於洋藥進口問題 英大臣蘭司曼氏
答覆議員艾勒斯氏云現政府擬照覆美政府派員會同辦理
亞東洋藥進口之問題他國亦可選派委員會議且英政府祇
派員一人即可議訂此事如他國亦擬派員會議英委員必能
與協同辦理云

要聞

俄議院會議近狀 俄議院會議辦事章程時反對黨與社
會黨互相辯難社會黨遂宣布政府辦事之不善不能止退
殺戮之事故致現在亂事較前尤甚後有民政立憲黨宣言即觀
選舉一事已足現國民之趨向可不必再行置議此說議院各
員贊成者頗多

江蘇實行禁煙

日前江督端方帥蘇撫陳俊帥會銜通札各屬云照得鴉片之
害遍於中國積習深重不易戒除尤宜上下一心共祛沈痼迭
經查照章程飭議辦法分別示諭各行在案嗣准陸軍部咨另
訂試職戒煙章程六條通限三個月戒斷又經咨行照章辦理
查申做之始官為倡導未便稍事寬容核閱部定武職戒煙章
程各條至為嚴密應再切實申明無論駐防旗營陸軍新舊標
營水師海軍一體遵照部章實行以肅軍紀此項章程並由藩
學臬各司會同核議仿訂文武職及學堂戒煙章程凡屬省內
外大小候補實缺文職以及鹽務在官人員務令與武職戒煙

川省建機器廠

川督錫清帥現為整頓軍備起見以川省各營現用軍械大半
皆舊式不堪適用即籌款購辦新式快槍而轉運為銀利器仰
給外人亦終非持久之道且川省富於五金煤礦又廉不如建
設一極大機器廠自造槍砲以資利用月前已札飭兩司籌款
開辦

保定設四鎮糧餉局

新簡北洋陸軍第四鎮總統馬門都統商之鐵尚書於保定
設立四鎮糧餉總局以資出納各營軍餉並舉候補知府廷太
守慶為總辦已經鐵尚書允准

新章辦法相同庶幾三個月後甯蘇兩省文武軍學官界得以
一律廓清煙癮倘聞有玩愒欺飾者查明從嚴參處士司容隱
者究切切勿扶同徇庇代人受過表率既正教化自行其關於
於查禁民間各條一律責成各府廳州縣選用公正紳董照章
委辦詳閱原定章程及現行辦法倘有未能詳盡之處自應酌
量增補以期除弊務盡現在進口洋藥業經外務部照會各國
公使商令逐年遞減屆期禁絕至禁絕土藥自以限種罌粟為
要著蘇省土藥徐屬最多該屬紳董查編罌粟田畝尤須詳細
造報勿任稍有隱漏此外各屬亦應確查有無向種罌粟田畝
分晰報明又清查煙店關係最重實行亦最難應令各屬凡有
煙店不分城鄉均照歷年銷數每年認銷若干購貨時須報明
經辦紳董向地方官衙門詳領印照給予購辦運回繳銷此項
印照書差紳董概不准需索分文如違准烟店據實稟揭無照
之貨均以私土論每達歲底查核銷數不得加過認銷數目並
須逐年遞減銷數一成若售賣土膏應由本處同業互具連環
保結彼此互相查察如有私售無牌照人情事由同業舉發查
有實據勒令閉歇將該煙店貨物充公如由官紳查出並將同
業知情不舉者從重懲罰至官製方藥設立戒煙會兩條尤宜
立即開辦今日革除煙害必先戒而後禁如能將戒煙事宜辦
有成效則禁煙政策之自有把握似此嚴定規則係為輔助
前項章程辦法之所不遺統由各府廳州縣彙入前案出示曉
諭一面會同紳董切實遵辦限報明以憑隨時派員密查得
力者保獎怠忽者撤參悉照前次批行之案辦理各該府廳州
縣務當督率紳董振刷精神實力奉行本部堂院立志除癮
習不憚三令五申倘各該官紳董仍敢視同尋常但以一紙
空文中復了事抑或敷衍耳目希圖塞責一經查實惟有執法
從事決不姑寬勿謂言之不預也此次禁煙事宜中外同一屬
望前已批飭江海關道先行照會各國領事聲明凡屬口岸無
論租界華界一體照章嚴禁俟商安後即由該關道移知各
關援案照會本口各領事查照仿行江甯京口兩處並有駐防
旗營前經抄咨咨會江甯將軍京口副都統查照轉飭遵辦聲
明如有在旗營地面開設煙館者亦應限六個月概令一律
閉歇不得稍有違延應再咨飭嚴飭實行查禁以昭畫一云云

條陳伐木築路

聞郵傳部某司員條陳本部堂官云查東三省現除東清鐵路
外其餘各處鐵路均已次第興造惟同時並舉所需枕木正多
若購自外洋則利權外溢即購自各省亦運道維艱似不如以
本地之材供本地之用東省森林遍野果能入山採伐當可工
省價廉惟現查三省森林多有為日俄兩國所佔領者亟應咨
明外部照會兩國公使責令退還以便迅速招商承辦庶利源
不至浸入外洋而鐵道亦有所需用矣現郵傳部各堂正提議
此事

度支部電調留學生

日前度支部堂官會議以本部總司全國財政非有精於理財
之人輔佐一切不足以資整頓擬即電請駐各國欽使於外國
大學留學生內選擇精於財政專門之學者咨送本部派以優
差以備顧問而裨部務

本埠新聞

官場紀事○直隸候補道李觀察振鵬奉熱河都統札調差
委於初九日上院稟辭又署直隸臬台毛廉訪慶蕃於初九日
上院稟辭初十日回省
飭緝逸犯○刻據官保批司統飭所屬嚴緝逸犯馮姓緣房
山縣稟該縣民人高玉山家被匪搶劫幼女高金子旋即拿獲
搶匪王七元供稱係與馮姓夥搶並供另案會與馮姓販賣李
姓幼女三名惟馮已遠颺當經查明年貌通飭嚴拿
定期致祭○刻據道署禮書呈請牌示本月十三日係應
祭雙忠祠大王廟會公張周公等祠之期聞已飭即繕牌傳
諭

農工商部擬訂漁團章程

農工商部近日提議編訂漁團通行章程擬於日內再行調查
浙蘇皖等省漁業情形併各埠現行辦法以便逐加添核漸行
推廣

各省賑捐展限

現聞各省督撫均以庫款奇絀紛紛請將現辦常捐酌量展限如
直隸河南山東湖南湖北安徽江西江蘇四川雲南貴州陝西
福建等省均已陸續奏到由度支部議准一律展限一年以濟
要需

大尊點卯

新任天津府李太守於初九日早八鐘傳諭本
署書吏各差齊集當堂點卯
修濬引河○開新莊向有引河一道兩岸菜園藉資灌溉現
因該河淤淺已由附河各村稟明東鄉正巡官及時修濬刻已
興工
司馬殞儀○前任分府阮梅青司馬逝世已紀前報茲聞訂
於本月十一日發引已在北門外高搭祭棚昨經邑尊飭差票
催津郡白貨舖借備應用一切器具
追查寄售物品○日商井上孝之助託籍煥章(任邱縣人)
寄售印字機器一架並鼎汁運費之項共合五百數十餘元於
客冬該號閉歇籍某隱匿無踪當經真由日領事官函請南段
總局查辦
誤公被責○官車局因縣署應用車輛當即派差照價覓雇
惟車夫李二接收定錢一千文屆期賒誤昨經局董真請邑尊
轉將該車夫送交審判廳訊辦業經審判官李大令訊明飭將
該犯責處並飭呈繳定錢以示懲戒
罰辦竊犯○聞譚某者前竊袁公館軍衣被獲當經北段總
局訊明飭將該犯發縣罰充苦力六個月以示懲警
浴塘量斃○聞有劉永起者因在南門外宋姓浴塘沐浴忽
然暈倒回家後隨即身死劉之兄赴縣稟明呈請免驗當經審
判廳豫審官李大令訊明飭具甘結備查
竊犯發所○有某租界移送南段總局竊洋車之犯傅一年
三十許靜海縣人當經訊明判罰苦力一年於日前發送
習藝所
累及家督○昨有幼童將與界拆房之土片携取兩塊為捕
官瞥見扭署立傳該童之父罰洋開釋
稅卡仍委舊員○霍家口稅卡地當孔要事務日漸冗繁非
精明幹練之員不克勝任當經總憲仍將曾理是卡之委員王
君之春派往經理藉資熟手
縣裁招房○刻經邑尊已將招房全科裁撤其科房即由東
房歸併
車站紀事○華懋昌軍衣莊在京分莊承做青布皂靴三千
雙初八日由京裝火車來津交糧餉轉運局收納△陸軍轉運
局派委李文彬押運紫花布單衣六十一套紫花布帳棚八十
餘架鐵器一百六十餘捆乾糧袋三十三件馬鞍七十餘共裝
十一箱初九日由津裝火車運往黃村再往 南苑交第六鎮
收納△保定中學堂派差來津購辦儀器等件初九日由津裝
火車運往省城交學堂應用△駐紮通州毅軍定於初十日開
往關外加車二次頭次車由通州開到津站十點五十五分鐘
二次到津站一點餘鐘直赴榆關往東省一帶駐防

官場行程紀

初八日 由京來津
初九日 由津晉京
京榆鐵路總辦周觀察長齡